

DOCIMASIAM, SIGNA, CAUSAS, & NOXAM
VINI LITHARGYRO MANGONISATI

26

Des mit Silberglette verfälschten Weins.

Variis Experimentis Illustratam,
LOCO DISSERTATIONIS INAUGURALIS
DEO T.O.M. SUPREMO AUSPICE,

Ex Decreto & Jussu Amplissimi Collegij Medici.

P R Æ S I D E

*VIRO Nobilissimo, Amplissimo, Excellentissimo atque
Experientissimo*

DN. JOHANNES ZELLERO.

Med. Doct. Praxeos, Anatomiae & Chirurgiae Prof.

Publ. Ord. Serenissimorum Würtemb. & Oeting. PRINCIPUM

Consiliario & Archiatro, Facult. Med. h. t. DECANO

Spectatissimo.

DOMINO SUO PATRONO, PRÆCEPTORE, PROMOTORE

& COGNATO PERENNI PIETATE DEVENERANDO.

PRO LICENTIA

Ad SUMMOS in MEDICINA Honores & Privilegia Do-

CTORIS legitimè adspirandi,

IN AULA NOVA

Die XXIII. April. Anno MDCCLVII.

Solenni & placido Eruditorum Examini

subjiciet

M. IMMANUEL Weißmann/

Waiblingensis.

T U B I N G Æ,

Typis JOHANN-CONRADI REISII.

*Nobilitate, Officiorum Amplitudine, Ordinis sacri
Dignitate, Doctrina Excellentia, Fameque Splendore
maximè Conspicuis,*

DN. JOHANNI ULRICO Pregtzer / Phil. & J. U.
Doctori Perinclyto, Serenissimo Württembergiæ
Duci à Consiliis Justitiæ, Dicasternique Assessori
Gravissimo.

DN. JOHANNI BURCKHARDO Mögling /
Medicinæ Doctore Celeberrimo. Serenissimo
Principi Aulæque Württembergicæ Medico lon-
gè æstimatissimo. Practico felicissimo.

DN. JOHANNI EBERHARDO Knollen / Diœ-
cescos Bieticanæ Superintendenti Speciali, Urbis-
que Pastori Meritissimo, Gravissimo.

DN. M. CHRISTOPHORO TOBIÆ Gantstetter /
Ecclesiæ, quæ Kornwestæ est, Pastori Vigilanti-
ssimo.

*Dominis suis Fautoribus, Promotoribus Cognatisque
humilimo obsequio & pietate devenerandis*

Pagellas hasce Inaugurales

Animo devinctissimo manuque devotissima

Offert & Consecrat

M. IMMANUEL Weismann / Medicinæ Doctorandus.

E Quidem mens erat, Hanc, quam
 supremis, ut ita dicam, digitis tactam jam sisti-
 mus, Dissertationis Inauguralis, Materiam
 fusius excutiendi, atque variis experimentis, non
 ab Uno hinc inde Artis Antistite curioso non mi-
 nus. quàm felici specimine factis, clarius illustran-
 ai, itaque cò magis. quò plus Labes quadam Epidemica non tam agro-
 tantium viscera, quàm medentium animos hactenus torserat, imò
 quosdam vina noxia dulcedine adulterata bibere solitos letho dederat,
 & funere meraserat aërbo. Non licuit autem illud prestare, partim,
 quod varia nobis intervenerint negotia, partim, quod nimis citò So-
 lennitatis Doctoralis dies indictus sit. Coacti hinc fuimus in Com-
 pendium omnia redigere, atque brevissimis exequi, quod prolixius
 Lectori Benevolo sistere volumus. Faveat DEUS T. O. M.
 instituto nostro.

CAPUT I.

Recensens Phenomena.

§. I.

Emerè satis, ac infausto specimine repetitæ fuerunt præterito an-
 no 1705. quò propter aeris inclementiam nec uvæ maturita-
 tem, nec vina dulcedinem suam erant adepta, pestiferæ illæ frau-
 des vinosæ, die Wein-Versälschungen/ quæ ante duo, & quod
 excutrit, lustra ob eandem vini immaturitatem & austeritatem Sæneviæ no-
 stram permeârunt: prius autem istæ jam à plurimis abhinc annis imò seculis
 circa vina factæ sunt, affirmantibus id Recelluum ab annis 1487. 1498. 1500.
 1548. & 1577. ab Imperatoribus factis promulgationibus. Videantur quæ in
 E. N. C. Dec. 3. A. 5. & 6. Obs. 261. à Celberrimo Dn. D. Reiselio jussu SE-

RENISSIMI typis excusa sunt; Quos Recessus si cui libuerit integros, eosque ab erroribus typographicis correctos, unà cum *Curr. Celtis primi inter Laureatos Germanos Poetæ* gravi invecitua in vini corruptores adspicere, leg. t. JCtissimi Dni *Job. Phil. Dattii, Consiliar. Würtemb.* fol. 632. usque 639. in Voluminis *Rerum Germanic. Noviss. de Pace Publ. lib. 3. cap. 14.* Non autem in sola nostra *Suevia* artes hæc malignæ resurrexerunt, quibus vina acida, aspera & austera ad bibaculorum palatum nebulones accommodarunt, ac lithargyrio & Marcasitâ edulcorarunt; Sed & eodem planè tempore, anno scil. 1695. eâdem penitus methodo, eodemque infelici successu parilis fraudulencia in aliis vel Regnis, vel Regionibus observata fuit, in *Galliâ* præsertim, (cui aliàs natales suos dicitur debere,) ac *Lotharingiâ*, ita ut Rex qui nec minores circa vina fraudes fert, diras contra ejuscemodi Impostores pœnas Capitis exercere, & ad tritemes relegare illos coactus fuerit. Nec ab his mangonisationibus *Austriâ*, nec *Franconia*, nec etiam loca *cis & trans Rhena* audiebantur immunia.

§. II.

Tutius aliàs inclementioribus istis temporibus vina acida & aspera edulcorare nonnulli studuerunt, passulis nempe, saccharo, aliisque aromatibus, quod, licet non cum periculo hominum fiat, non tamen sine fraude succedit, dum vina acida divendere pro generosis cariori pretio conantur. Alii vina nobiliora dulcia reddunt, mustum à fermentatione impediendo, quæ vulgo *Gefangene Wein* dicuntur; qualia sunt *Gallica, die Franzwein*; quæ Angliæ, Belgio præprimis, atque Regnis Septentrionalibus pro potu ordinario inserviunt, in loco autem suo natali talem saporem non habent. Hæc vina cum tenuioribus nostrates miscent, ut majorem ipsis gratiam atque dulcedinem concilient.

§. III.

Maledictum verò illud artificium est, quò detestando conamine, ac temerario ausu lithargyrii vel Saturni saccharo, vel Vitriolo vina immatura, acida, & austera grata atque dulcia reddunt, & sub ista dulcedine fictâ generosiora illa ac fortiora quasi exhibent.

§. IV.

Præstant hoc variis modis. Nonnulli, teste *Brunnero* in *E. N. G. A. 4. D. 3. Obs. 92.* lithargyrium in substantiâ vinis immittunt. Bismuthum alii huic addunt, absque, vel cum tæniis sulphuratis. Alii Tincturam inde parant, ac certâ dosi vinis illam immiscent. Diu autem vina hæc hoc modo infusa dulcedinem & suavitatem suam non retinent, sed spatio 3. vel 4. mensum

sum illam vel dimittunt, vel tenuia admodum evadunt. Jubent hinc impostores, ut, quantocytus fieri possit, vendantur.

§. V.

Turbæ & symptomata, quæ ab adulterato hoc vino moventur, varia sunt, pro diversitate temperamentorum, naturæ roboris, vitæ generis, quantitatis haustæ, atque continuationis. Qui eo sese ingurgitarunt nimium, dolores capitis enormes passi sunt, deliria, furorem quasi maniacum, atrociorumque longè, ac ab alio meri potu nimio, & ad ebrietatem usque hausto fieri solet, diutius multò durantem, pectoris & præcordiorum gravitatem, dolorem, tussim & febrem. Quibus potus hic vel quotidianus, vel frequentior est, non tamen adeò largus ad inebriationem usque, illicò quidem exinde non læduntur, sensim autem sensimque varia experiuntur mala, quæ cùm ab initio levia sint, neque curant, neque animadvertunt; successivè autem dolorem hypochondrii sinistri, ventriculi gravitatem, inflationem & tabem sentiunt: Alius robustior pariles stomachi dolores, tolerabiles tamen sustinuit, ab initio mox cessantes, mox redeunt, dolorem gravativum circa præcordia, de quo tamen primis annis graves querelas agere noluit; Huic asthma successit perpetuum, certis temporibus suffocationem minans, non nisi largissimis & frequentioribus cedens Venæsectionibus: Intermedio tamen tempore respiratio facilior erat, ita ut operæ suæ vacaret. Crevit autem Asthma, pedes intumuerunt, evanuit appetitus, corpus à parciore pastu multo sudore diffluit, vinum etiam generosum tolerare non potuit, pectus aquâ replebatur, donec rupto ventriculi posticam mediam & sinistram partem occupante abscessu, non autem nisi post mortem cognito, sanguineq; cum multo pure rejecto obiit. Alius ab eodem potu frequentiore, non tamen exorbitante, in tormina levia ventriculi incidit, quæ, postquam sese inebriasset, elapsis post aliquot horis adeò acuta fuerunt reddita, cum tanto ardore, quasi continuus ignis ureret in ventriculo, ut vix eadem tulerit. Febris hinc accendebatur continua, cum deliriis, perpetuo ventriculi ardore, & dolore certi alicujus spatii in sinistro hypochondrio, (quod præ dextro solet affici,) magnitudine quartæ partis florenti, constante ad hunc usque diem, licet nunc mitior longè sit, per decem jam mentes durante. Diu miseram vitam æger traxit, totus contabescens, melius tamen nunc ab aliquo tempore degens. In Vietore, qui exitialem & diabolicam hanc artem benè calluit, atque ante duo jam lustra, cum multorum nece ac damno, nescius forsantùm, num adeò maligna sit, exercuit, eamque præterito anno 1705. repetiit: Istius tamen tam serix ac severæ Prohibitionis optimè gnarus, ac tantam stragem inde illatam, tantaque mala ab eâ

inducta fuisse, (postquam cognoverunt Medici, illam tot symptomatum causam esse, & originem, atque hinc in Caupones & Oenopolis severissime inquisitum fuit, utut alii transfugæ vitam salvarent suam) nihilominus pagos hinc inde dolo malo permeavit, cauponibus tincturam suam, tanquam innocens medium & mixturam, in se humanis Corporibus non damnosam, cum ad-ditamento, nō misceatur & bibatur nimium, dolosè, & sub variis speciosis prætexitibus dedicavit, obstinatè extulit & obtrusit: atque ob nefandum id scelus præprimis propter vinorum totupliciter commissam falsificationem & damnosam istius artis disseminationem elapso anno Capite plexus sectioni publicæ (jussu *SERENISSIMI DOMINI DUCIS NOSTRI*, qui singulari Gratia in studia tot quovis anno nobis cadavera concedit, atque suis ad-vehi sumptibus curat, quot ab *IPSO* submissè petuntur; pro quâ *DILCALLE CLEMENTIA* publicas *IPSI* atque humilimas gratias dicimus, *Somnia prospera TANTO PRINCIPIE Digna vovemus*) subjectus fuit, in quo sequentia fuerunt observata: Venter erat inflatus, potissimū in sinistra parte: Hinc omnia vasa Capillaria, quotquot ibi existunt, turgebant sanguine, adeo inde conspicua, ut ceram illis injectam fuisse putasses, absque tamen corruptione substantiæ, ejusque corrosione. Intestina cernebantur salva, & quidem tam duodenum cum reliquis tenuibus, quàm crassæ; Glandulæ eorum erant naturalis magnitudinis, æquè ac illæ in Mesenterio, ut nec minimus in illis tumor visus fuerit. *Vasorum lacteorum* ramificationes in intestinis succo lacteo seu chyloso tumebant omnes adeo nitidæ in toto jejuni ac fere Ilei ductu, ut cujusvis ramuli majoris ex dictis intestinis versus pancreas Asellii egredientis (qui innumeri sunt æque ac sanguivehi) origines capillares eodem modo, ac vasorum sanguivehorum extremitatum ramificationes multivariæ per felicem alias, etæ in injectionem conspicuæ egregiè videri potuerint, & ultra mensē ita perstiterint. Chylus in illis erat difficulter mobilis. Maleficus parum edit, neque ipso executionis die, neque antecedentibus; hinc & ventriculus & intestina tenuia chylo & excrementis observabantur vacua. Lien erat putridus eâ parte, quâ ventriculum respicit ad medium usque Corpus suum. Hepatis (quod admodum intumuit & ad lienem usque exporrectum fuit, cui etiam adhæsit,) pars concava colorem habuit lividum & cæruleum, absque tamen corruptione. In aliquibus præmonum partibus, ut & in pleurâ variâ apparuerunt inflammationum stigmata.

§. VI.

Ceterum communissima & frequentissima symptomata à vino isto produci solita fuere Colica convulsiva, tussis, asthma, halitus stercoraceus, alvi

alvi constipatio, paresis, arthritis, & tandem convulsionones, quas mors excep-
 pit agrotantibus dolorum saevitie consumptis atque emaciat. Variant au-
 tem illa, nec omnia pro subjectorum aliarumque supra memoratarum cir-
 cumstantiarum varietate uno modo sese habent, ut quivis Medicus præter
 consueta & familiaria quoque particularia observaverit; *Vicarius* in E. N. C.
 Dec. 3. A. 4. Obs. 100. hæc notavit: *Omnes, quotquot biberunt, constri-*
ctionem gulae & compressionem, dolorem, ac ulcerosam dispositionem, (ut
sibi ipsis videbatur) ventriculi ac præcordiorum patiebantur, quibus ac-
cessit, nescio, quæ Colica & circa Ventriculum & circa Umbilicum, hinc
& excrementa in scybala cogebantur, conquerebantur multoties de fla-
tibus molestis, qui tamen nec sursum, nec deorsum efflabantur, exceptit
priora symptomata vebemens & inanis tam deijciendi, quam urinandi
conatus & tenesmus. Urina penes tincta erat, ac continuo turbabatur.
Pulsus erat durus & tardus, equalis tamen, flavescebat albugo oculo-
rum, genæ solæ rubebant, facies cætera virorem judaicum præ se ferebat,
siccescebat os, ac vomituriebant, anxique insigniter toto temporis de-
cursu erant, quam anxietatem adanxit horrida & insignis Cordis palpi-
tatio. Eadem signa & symptomata etiam apud Gockelium & Jagerschmi-
dium reperies. Multi tamen, imò innumeri ab eo laxi non fuerunt, utut ad
ebrietatem usque illud hauserint: Alii leviter solum.

§. VI.

Excusavit autem lithargyrium in vinis eo mangonifatis insigni verbo-
 rum pompâ Medicus quidam Hatnienſis SEERUP. in *Triumpho suo Li-*
thargyriorum, seu disputatione Medico-Chymica eruditissima sanè, mul-
 tisque experimentis tam propriis, quam ab Authoribus collectis refertâ, quâ
 saccharum huius à *Job. Victor. Jagerschmidii, Medici & Physici tàm Ul-*
mensis, nunc Glengensis animadversionibus in tractatu, cui titulus est, *Der*
in denen durch die Silberglette bestrichenen Weinen verborgene / nun
aber entlarffte &c. contentis vindicare magnoperè allaboravit, atque con-
 tendit, omnia ista mala à vini hujus potu observata non à lithargyrio, sed ab
 Acido potius austero vini immaturi provenire, insontem hunc accusari, ac
 morbos istos falsò illi adscribi, idq; ex sequentibus rationibus, quas ex disputa-
 tione breviter recensebimus, cum in paucorum manibus illa versetur. Scilicet,
 quod eadem symptomata, & quidem Colica, quæ communissimum consti-
 tuit, & à lithargyrio deducitur, ab acido austero vini nondum maturitatem
 nacti, sint derivanda; quia ipse *Jagerschmidius* in effectibus Colicis produ-
 cendis acidum in vino latitans ex *Drawizio* de Scorbuto, *Sennerto* & *Hel-*
 mon-

montio recensuerit, & *Theodorus Zwingerus* in E. N. C. Dec. 2. A. 6. p. m. 497. colicam in juvene cum motibus convulsivis ex vino nimis acerbo & austero immodicè ingurgitato observaverit; *Waldschmidius* in Monit. Medic. colicæ habitualis & endemiæ ex vino acido oriundæ meminerit; & *Boyle* de utilit. simpl. med. p. 162. colicam famulorum tex rinæ Magistri copiosis aceti vaporibus in ipsius opere adhibitis adscripserit, ac *Weppferus* hanc integra monasteria invadentem ab austero vino albo in E. N. C. Dec. I. ann. II. obs. XXXIX. deduxerit. *Alvi constipationes* nasci ob vinorum acidorū vini adstringendi maximam fluida coagulantem, ut albuminis ovi à Spiritu salis, lactis à succo Limoniorum, Hto & spiritu salis; Infringere acidam vim purgantium, teste *Linearum Medicarum Apelle-Medico Riedlino* Lin. Med. X. ann. 1697. mens. April. Menses inde sufflaminari; *Tabem* provenire ab illo ob denegatam benè nutriendi facultatem, teste *Galeno* de succo bon. & vit. Cap. II. Oriri artuum dolores ab eodem vino ob vermes copiosissimè in eo scatentes; evincere id omnia Medicamenta Anticolica, *Jegerschmidio* familiaria, oleosa scilicet, vinum adustum, vomitoria, terebinthinata, chalybeata, Cinnabar. & Srialia, tanquam anthelmintica. Porro, quia *Jegerschmidius* ex Dioscoride lithargyrum venenosæ naturæ esse dixit, & quod ex hoc capite dicta symptomata producere debeat, illum rejicit, ceu rei metallicæ ignarum, quod exinde elucescat, quia Tam materiam lithargyrii statuatur. Nec admittit argumentationem à fumis vel hujus vel aliorum metallorum, ad eorum naturam venenatam concludere, cum nec vinum; nec Carbones; nec Candelæ; nec sulphur venena sint, ut ut eorum exhalationes vel suffocent vel convulsiones pariant. Nec procedere id, quod referente *Borello* ex nimio sacchari hni usu quidam paralyticus evaserit; & observante *Riedlino* maniaca inde contabuerit. Lin. Med. ann. 1695. mens. Maj. lin. 31. cum aliud sit usus, aliud abusus, hocque modo optima fieri pessima possint. Nec exitium afferre hniis observationes Practicorum, e gr. *Timæi de Suldenslee* qui libr. 7. de morb. malign. & venenat. Cas. X. narrat, figulum, quotiescunque in fictilibus incrustandis occupabatur, in dolores intestinorum vehemenssimos incidisse cum præcordiorum insigni angustia & respirandi difficultate, membrorum tremore, totius Corporis, maximè verò articulorum debilitate. Nec *Waldschmidii* observationes quid obtinere de figulorum quorundam contracturâ & paralyti, eorumque colore faciei cadaveroso; & figuli cujusdam uxoris arthritide, cum ipse *Timæus* plumbum strenuè vindicet, quod crudum & integrum intra Corpus sumptum nil damni inferat, & incommoda hæc potius à hno usto, & in pollinem re-

ducto nascantur, figulisque nil horum accidat, si plumbi liquore convenienti subacto & humectato sua incruissent fictilia. Denique à plumbi usto ad vinum lithargyriatum non felicius procedere consequentiam, quàm à trochiali ad liquores hydragyro affusos; indeque colligit, tantam noxam malè illi attribui; constare enim, quod externum ejus usum illud Chirurgorum Columnam esse, uti omnes fatentur: Usus ejus internus satis felicem evincere eo debellatos affectus spleneticos ex acido oriundos, malum hypochondriacum, phlogoses Corporis subitaneas, Colicas à bile æruginosa, scorbutos, pestem, quartanam rebellem, pulmonum aliarumque partium exulcerationem, testibus *Ettmüllero, Grülingio, Glanbero, Doleo* aliis. Propinati Aquam Saturni verminosis sumo cum fructu, mortiq; proximos illam restituisse, docentibus *Harleo, Danseo, Welschio*. Leprosos curasse spiritu hñi *Hartmanni*; Hunc in maniâ *Paracelsi* specificum fuisse, atq; in gonorrhœa, variolis, omnibusq; inflammationibus internis optimè conducere, teste *Eateo, d' Avisson, Ettmüllero, & Doleo*; Fortunatū Arcani Medicorum siderati, Amuleti 24alis & 25ialis Dni *Menonis Matthie*; Sudoriferi Magni *Fatri*; Optimi hepatici pilularum myrrhinatum D. *Petri Matthie* successum *sacebaro* hñi, aliisque è plumbi præparatis deberi: *Ettmüllerum* restituisse aliquot hypochondriacos hñi *Sale*. Magisterium hñi *Mynsichti* secretum esse in phthisi, lienis affectibus, Colica & libidine 26reâ. Augerique vim lithargyrii effluviis illis 27olis & 28æ, eorumque tantam vim esse, ut Spiritu Saturni cum calce Solis morti vicinos restituerit, multumque in paralyti, caduco & apoplexia præstiterit *Hartmannus*. Imò ad nebulitandum lithargyrium reliqua metalla 29m, 30tem & 31rem in focinis addere particulas, quæ in affectibus uterinis, mensiumque obstructionibus illum mirificè operari faciant. Nec saccharo Saturni obstructiones alvi posse adscribi, cum referente *Anton. de Heide* in *Observ. Med.* ejus grana V. cum ocul. 69. illas reserant.

§. VIII.

A lithargyriato autem vino orta fuisse hæc mala & cruciatus non statim cognitum fuit à Medicis, sed plurimi vel doloribus relictæ, vel neci fuerunt dati, donec nostris temporibus ante duo lustra non solum, sed & proximè elapsis annis à pluralitate ægrotantium, &, quod illi solum corripiebantur, qui vinum biberant, alii non, quibus cerevisiæ vel 32æ potus ordinarius erat, deprehensum fuit ex vino ista provenire. Cœperunt hinc fraudes & dolos vinosos cauponibus & aurigis olim familiares in memoriam revocare, dolia aperire, & variè vina examinare. In fecibus reperit

Gockelius varias sordes viscidas & tenaces, ut *Victoris* filius illa repurgare omninò abhorrerit. *Evolv.* ejus tractatus, *die Wein-Kranckheit* / c. dictus, p. 18. Alii pulverem gryseum, splendens in illis deprehendisse asseverant. Ad Collegium Amplissimæ Facultatis Juridicæ hujus Universitatis allatum fuit vitrum, in cujus fundo sedimentum cernebatur quasi mercuriale, argentei coloris, & specularis nitoris, uti Excell. DN. PRÆSIDI relatum fuit. De fecum harum spurcitie, & quid ulterius in iis fuerit repertum videatur pluribus Magnif. atq; Excell. D. D. HARPPRECHTI, COM. PALAT. CÆS. Prof. ff. & Antecessoris Celeberrimi Respons. Criminal. LXXV. Volum. IV. ubi tota Facti Species prolixè describitur.

§. IX.

Cùm autem non cuivis contingat dolia inspicere, in hospitiiis præsertim & cautionariis, partim ab Authoribus, partim ex analogismo aliarum Operationum Chymicarum, ☐ tionum & mutationum Saturninorū cum aliis, varia suppeditata fuerunt media ad cognoscendum in momento fucum. *Willisius* a. pharmac. rational. p. 2. f. 3. c. 5. p. m. 471. jam ante docuit solutionem lithargyrii in aceto destillato factam ab oleo Tartari per deliquiū affuso in liquorem instar lactis præcipitari, Et *Joh. Zwelferus* in Animadv. suis in Pharmac. August. pag. 300. solutiones *Aluminis* & lithargyrii se invicem ☐ re, ut neutrum horum suas operationes proprias ritè exserat. *Gockelius* jussit infundere in vini lithargyriati ℥iij vel ℥iv. ol. vitrioli rectificatissimi à guttis X. ad XII. atque vinum mangonio spurcatum statim turbari, & albescere instar feri lactis statuit. Eundem in modum Excellentiss. D. D. *Rudolph. Jacob. Camerarius*, Præceptor & Promotor meus Paterno cultu ætatem suspiciendus nobis exhibuit in lectione publica schematismos vinorum lithargyro infectorum, quæ mediante spiritu Vitrioli & oleo Tartari per deliquium examini subjecit non sine naturalis coloris in vino immutatione. Ad explorandum hunc dolum in Ducatu nostro liquor auripigmenti cum calce viva preparatus, aut lixivium calc. vivæ cum auripigmento sumebatur, cujus guttulæ 5. 6. 7. vini lithargyrio falsificati ℥j. affusæ non solum illud valdè turbarent, sed etiam colorem nigrum & atramentosum ipsi conciliarunt. *Solutio Tartari cum calce viva paulisper calcinati* vinum adulteratum pariter turbat & præcipitat.

§. X.

Affusi autem hi modò dicti liquores omnes vel nullam coloris mutationem, vel non ingratam in vinis omni mangonio catentibus faciunt. Oleum Tartari per deliquiū, vel alius cujusdam Alkali conciliabit colorem aliquantum

tulum rubicundum, aut potius flavescentem. Dictus auripigmenti liquor in debitâ, nec justo majori instillatus dosi colorem naturalem non mutabit; nec Spiritus Vitrioli; aut eiusdem *oleum*; nec dicta solutio Tartari cum Calce vivâ, sed vina inde clausa, sicuti ante affusionem fuere, manebunt.

§. XI.

Ubi *Levier* in vino *tinctura*, vel parum *manconii lithargyris*. (quod sapissimè minuitur, & debilitatur frequentioribus vinorum trajectionibus ex uno vase vel dolio in aliud,) illud neq; Spiritus, neq; oleum vitrioli; neque solutio aluminis; neq; Tartari cum calce vivâ calcinati produnt; Nec istiusmodi vina, quæ vel subtiliorem, vel parum *Tinctura* adhuc continent, colores ab eorum instillatione immutant; E contra solutio auripigmenti ea turbat, uti ab Excellentiss. D. D. *MÖGLINGIO*, *Sereniss. Ducis Nostri Archiatro Experientissimo ac Felicissimo* edoctus fui, qui mihi retulit, *Amplissimo Dominorum ARCHIATRORUM Collegio VII.* vina fuisse exposita, suspecta habita, quorum pleræque à dictis Spiritibus & solutionibus planè nullam in colore mutationem subierint, ab affusione autem hujus solutionis auripig. cum calce viva obscuriora paululum, & rubicundiora fuisse reddita, alia magis, minus alia, prout sapius vel minus elutriata fuerint, & vel plus vel minus *tinctura* continuerint; adeoque huic solutioni auripigmenti cum calce viva in examine hujus manconii plus dandum esse, ac reliquis recentis liquoribus. Quæ autem vina vel multum lithargyrii admixtum habent, aut sufficientem quantitatem ad edulcorationem necessariam, illa quoque constanter dictam à spiritibus & solutionibus dictis experiuntur mutationem.

§. XII.

Recentior autem paratus hic auripigmenti liquor eligi debet, & sumi ad vinorum horum examina, si effectum suum scrutatoribus exoptatum debeat præstare. Vetus enim neque in adulterato, neque puro aliquam mutationem efficiet, in quacunque affandatur quantitate: Cum è contrario noviter factus, & in majori justò dosi puro additus summè illud turbet, coloremque flavum inducat, qui vel difficulter, & tardius, vel facilius, pro diversitate acidi vinorum in sedimentum flavum præcipitatur.

§. XIII.

Utut autem color *niger* & *atramentosus* infallibile signum sit vini vel lithargyrisati, vel à Saturno infecti: non tamen ille nequitiam & imposturam semper involvit & denotat. Nec ab atro colore certæ alicujus quantitatis vini in vase stanneo detenti, & per dictam solutionem auripigmenti tincti ad integra dolia licet argumentari.

§. XIV.

Deprehensum est, vina tenuia suspecta habita & in lagenâ stanneâ asservata, atq; ultra 3. septimanas ibi detenta, & quidem in digestionem posita in loco calido à lixivio sæpius dicto calcis vivæ cum auripigmento nullam planè in colore passa fuisse mutationem; diutius autem retenta demum ibi ab intillatione ejus in obscuro-rubicundum, & nigrum abiisse colorem: alterum autem planè non mutatum fuisse. Eadem verò, postquam adhuc essent asperiora, vasi stanneo commissa, (successu temporis enim vina ista immatura aculeos suos amittunt, & tenuia admodum evadunt,) in momento à sæpius memoratâ solutione auripigmenti atramentosa facta fuerunt.

§. XV.

Relatum fuit Excellentiss. Domino PRÆSIDI ante duo lustra in pago quodam hujus districtus Gönningen / dicto, vinum immaturum, acidum, austerum, valdèque tenue clarum è dolio emissum, & horas aliquot in cantharo stanneo asservatum intra breve temporis spatium nigrum contraxisse colorem.

§. XVI.

Alibi factum est ante annum & dimidium, quò vina jussu SERENISSIMI Nostri omni cura & solitudine examinabantur, cum Vir quidam probè aliàs vitæ & fidei vinum vendiderit, quod è dolio recentè emissum clarum quidem fuerit, aeri autem liberiori diutius expositum vel in vitro, vel in cantharo retentum obscurum colorem spontè contraxisse. Juramento semet obstringere vir voluit, nullum suis vinis se mangonium immiscuisse.

§. XVII.

Vina acida, austera & mordacia nihil lithargyrii habent, & hoc ipso ab omni mala suspitione sese liberant & exsolvunt.

§. XVIII.

Eadem vina immatura, aspera & acida pura ab affusione solutionis hujus auripigmenti nigrum colorem non induunt.

§. XIX.

In examine vinorum lithargyriatorum feces quàm maximè explorandæ, ignique fusorio subjiaciendæ sunt.

§. XX.

Loco vini ob mangonium lithargyrisatum suspecti spiritus ejus, postquam illius copia amplius haberi non poterat, ab eodem vino destillatus, à solutione auripigmenti pariter colorem subnigrum contraxit.

Potissima Cura mali recentis & primorum symptomatum consistit in Vomitoriis, purgantibus, oleosis, lacte diu continuando, terreis ex bol. armen. terrâ sigillat. ocul. 69. Unicorn. fossil. balsamo Peruviano & Vulnerariis; Reliquorum, vid. in diss. de Colic. paretic. Epilept. D.D. Rudolph. Jac. Camerarii.

CAPUT II.

Proponens varias observationes & experimenta, tanquam fundamenta, & principia ad explicanda phenomena eorumque causas reddendas.

§. I.

Quæ sint principia atque elementa lithargyrii, nolumus ex Authoribus repetere, quò Benevolum Lectorem remittimus; Sufficiat dixisse, illud esse progeniem plumbi, atque variorum recrementorum auri & argenti, ex quorum coctione & despumatione, quæ mediante plumbo suscipitur, illud emergit, dictis his metallis puris supernatat instar spumæ, cujus intuitu hinc vernacula nostrâ Silberglette audit. Pouissimum ergò, quod continet, à Saturno habet, atque hinc facile in illum reducitur. Sociantur tamen ipsi, & accedunt variæ exhalationes metallicæ, Salia, imperfectiones & recrementa, de quorum natura participat. Cùm autem coneretur plumbeum sit, ex illius quoque principiis constare nemo ibi inficias; quæ autem illa sint, aut an tradita hactenus sufficiant ad effectus ipsi imputatos demonstrandos, meritò quaeritur. Si Chymicos sequimur, communiter in illis deprehendimus Saturnū constare ex partibus terrestribus, gaudere particulis alcalicis, & triō, sulphureis autem exiguis. Vid. hac de re Sebræd. Frid. Hofmann. in clavi Pharmaceut. Tachen. Barckhausen; & E. N. C. D. III. Ann. V. & VI. p. 604. ubi plura deprehenduntur; Acoris hinc expertem illum esse, salia actia corrosiva partium Corporis externi absorbere, unicèque ulceribus opitulari, reliquis omnibus frustra adhibitis asseruerunt. Practicos a. si consulimus, concludendo ab effectibus à Saturninis observatis ad illorū principia, unanimi ore tam veteres, quàm recentiores dicunt, refrigerare illum, adstringere, repellere humores æstuantēs, incrassare, coagulare; Alii exulcerare, inflammare, & rodere, qualia ab acidis fieri experimur. Prædicantur autem hæc non solum de variis Saturni præparatis, verum etiam de ipso plumbo, quod neque ignis vim, neque aceti corrosionem sustinuit, ut itaque externo accedenti acido, cui alias istiusmodi effe-

ctus adscribi solent, tale attribui nequeat, prout hoc egregiè patet ex *Observ. Fernellii Cap. VII. de Lue & reâ p. m. 257.* ubi arthriticum introducit, cui Empiricus quidam plumbi pulverem propinavit, atque spatio 15. dierum sesquilibrium sumi curavit, à quo dysenteria crudelis, febris stipitata exorta fuit cum gravissimis non solum ventris, sed etiam ventriculi torsionibus, dissolutione, cruciatibus, ejusque quasi incendii interni molestissimo sensu & dolore, ut nec blandissimum tactum ferre potuerit; quæ ingerbantur, vel in plumbeum nidorem, vel in mucorem tenuissimum versa mox removebantur, tantaque ructuum & flatuum copia edebatur, ut omnia in flatu abire viderentur. Alvus claudebatur, appetentia cessabat omnis, Corpus reliquum ictero foedatum erat. Eadem recenset *Jul. Palmarius* à plumbi pulvere in pusculis sacchari loco usurpati cum gravissimis subsecutis symptomatibus c. 3. *de morb. contag. c. 5.* Symptomata hæc ab aliis quoque notata, & à *hni* inducunt sine dubio occasionem dederunt venenatoribus, parandi ex illis venenâ sua lenta, ex quibus famosissimæ illæ aquæ vel pulveres constant, docente *Heuchero in disputatione sua de Mitridate, sistente præservationem Principis à veneno, Respondente Cardinale, Erndlium* certo asserere, quod lenta illa *Gallorum, Italorumque* venena, qualia *Pondres de Succession* vocantur, Saturninis concretis suam debeant originem. Novit ille Operatorem quendam Chemicum, qui in Bohemiæ confiniis Magnatis cujusdam Laboratorio præstet, & jussu illius multum in exaltandis & moderandis venenis consumpsit sudoris & operæ. Ab hoc verò non semel fatente intellexit, ex *hni* Saccharo cum additione volatilioris cujusdam corrosivi parari posse lentissimum venenum, quod canibus aliisque animantibus propinatum, eadem insensibiliter, citra omnem violentiora symptomata, post decursum aliquot septimanarum, aut mensium valeat enecare. Confirmavit hoc Excellentiss. Dñus PRÆSES, mihi quoque retulit, se quatuor istiusmodi venenorum lentorum descriptiones vidisse, quarum quamlibet *hni* ingrediatur, paucis additis aliis acidis, acribus, in exigua tamen dosi, ita, ut in quavis *hni* basin constituat. Asseruit alius ex cerussa dictum *La-Poudre de Succession* additis aliis certo parari, ut inde ex collatione plurium similium de illo dubitare amplius non liceat, rationique admodum conveniens esse pronunciet modo citatus *Heucherus in dictâ disputatione* quia saccharum *hni*, (quod in curandis gonorrhæis aliàs laudabile medicamentum sit, maximâ tamen cum cautione à Medicis praxin exercentibus dandam esse moneat,) subtiliores particulas acido-corrosivas habeat, quæ cum terrestribus junctæ erosiones hinc inde in visceribus relinquere, circulum humorum sufflaminare,

nare, obstructions producere, atque eo ipso totum Corpus ad marasimum incurabilem ac lethalem disponere debent. In genere vim Emeticam cuncta saturnina habere docet *Langius* part. 1. pag. 346. in Operibus suis Med. Non autem solum internè *plumbum*, aut ejus præparata adeò periculosa sunt, sed etiam externè adhibita valdè suspecta, quanquam hætenus, cum citra violentiam effectus suos præstiterint lentè, talia credita non fuerint. Cerussa sine ullo discrimine in inflammationibus, astu & intertrigine aspersa fuit; constat autem, quod si diutius loco cosmetici à mulierculis adhibita fuerit, cutem illam utere quasi, eamq; rugosam atq; nigricantem reddere. Retulit nobis laudatus Excell. D. D. *Möglingsius*, se jam bina vice observasse, postquam occasione horum vinorum lithargyriorum, & notarum inde tragicorum effectuum ac læsionum majori studio animum ad externum saturni norum usum attenderit, an tuta sint, aut clam malam quoddam Corpori inferant, de quo antea cogitatum non fuerit, se deprehendisse, infantem unius anni intertrigine laborantem sanum absque prægressâ quadam causa alia subitò ab usu *Cerussæ* externo convulsionibus motibusque epilepticis fuisse correptum & extinctum; Alium robustum, v̄getum & obesum pone aures pariter defluxionem talem, serosam, habentem, cui pariter suasa alicujus mulierculæ *cerussæ* pulvis inspersus fuit, illâ cohibita in motus epilepticos incidisse. De *Lithargyrio* in hi quoque narravit, Matronam quandam nobilem pulverem ejus in *rubore faciei*, postquam hic ipsi tanquam singulare & certissimum arcanum deprædicatus fuisset, in petiâ ligatum axillis bis vel ter de die aspersisse cum præsentaneo effectu; verum exinde subsecuta fuisse *dyspnoeam, lipothymiam, dolores vagos in abdomine, vomitionem & nauseam*. Plumbum enim, uti proprium acidum continet, ita illud in præparatis suis valdè augetur præprimis in *lithargyrio*, quod juxta *Tachenium in Hippocrat. suo Chymico* cum acidis mineralibus variis commixtis ex Saturno in tale vertitur; atque in aceto ejus, sive tinctura, vel saccharo, vel Cerussa, ad quorum præparationem acetum sumitur, concentratur, & fortio rem vim corrosivam, hincque venenatam magis contrahit; quò plura enim salia acida combinantur, eò acris magis illa redduntur & corrosiva, uti in variis ¶ ris ¶ tis; maximè autem ¶ r. ¶ to corrosivo, ad cujus præparationem Spiritus Nitri, Vitriolum & Sal concurrunt, si que omnium venenorum acerrimum evadit, elucet. Solvitur autem *plumbum* & reliqua metalla minus firma vel compacta. ♂ præprimis, Saturno. 2 & ♀ , plus vel minus à ventriculo aq̄nè ac extra illum, à fermento sive liquore ejus gastrico, vel menstruo nativo, plus vel minus acido, salino, ut inde saccharum Saturni,

vel

vel Martis in eo productum resolvet, quod sapores, ructus & exhalationes ascendentes è ventriculo satis abundè testantur. Hæc, si vel copiosiora propinantur, aut in justò majori quantitate exhibentur, ut inde copiosum vel saccharum Saturni vel Vitriol. Artis emergat, non possunt non in eo rodere, pun gere, vellicare, inflammare, denudare ventriculum, cruciatus & tormina, colicam, cardialgiam chronicam producere, vasorum constrictiones, & tandem exulcerationes efficere; vel si primæ viæ non liberæ sunt, nec ante exhibitionem purgatæ à sordibus suis viscidis, faciliè in vasis capillaribus illa metallica involvuntur à pituita, obstruunt illa, atque postea soluta pungunt, vellicant, atque dolores causantur, ut inde magna cum cautela ac prudentia, etiam Martialia, quorum tamen usus præ omnibus tutus & securus est, & egregiam operam nunquam satis laudandam corpori humano tam in obstructionibus, quàm fluxionibus humorum nimis & cacochymia acidâ præstat, adhibeantur, quod sæpè laudatus *D. D. Möglingius*, *circumspectus ac sedulus observator* aliquoties in discursu mihi inculcavit, & monuit, in praxi hæc etiam circa Martialia probè attendenda esse, licet cautela timida nimis videatur; præstare tamen, omnem adhibere circumspectionem ac sollicitudinem, quàm temeritate aut incuriâ mala admittite, quæ corrigi postmodum nequeant; Timorem autem non nimium esse debere, ne pariter omittantur, aut protrahantur, quæ usu metallicorum longè felicius, citius & melius tolli potuissent. Huic Cautelæ quoad Martialia etiam subscribit *Lemery dans son Cours de Chymie* de ferro & Martis Croco, pag. 208. ubi monet, ferrum loco chalybis inter cæsumendum esse, cum hic adeò compactus sit; fieri enim, quod si ventriculi menstruum debile admodum hunc solvere nequeat, aut penetrare, integrum eum & indigestum in ventriculo atque intestinis manere, ea valdè gravare; vel sine effectum cum excrementis rejici; vel crassiores ejus partes cum chylo transcolari, obstruere vasa angustiora, stagnare, atque dolores producere acutos; Aut si Corpus ante ejus usum non purgetur, itidem fieri posse, ut in vasis capillaribus materiâ viscidâ infarctis stagnet, inflammationes producat, & dolores; Vid. eod. Cap. p. m. 204. Vitriolica enim illa non sine actione sua, h. e. ratiōe in corpore manent, nec salia quiescunt; Hinc & *Siemens in disput. sub Præj. Hofmanni. habit. de metallurgia morbifer.* meminit, *Krugium* ipsis dixisse, illos, qui *Schmalkaldie* acuendo & poliendo ferro interserviunt, respiratione anhelosa corripiti, vulgo *der Schleiffer-Krankheit*. Quo copiosiora itaque illa vitriola vel actiora ingeruntur in corpus nostrum, eò majus damnum, noxam atque periculum interunt.

§. II.

Acida vegetabilia grata licet & amica corpori nostro sint moderatè sumpta, sulphur compescant, ne exorbitet, & ut exorbitans quiescat, faciant, imò putredini resistanr. Hausta tn. in nimia quantitate, acriora præprimis, & aspera magis lædunt pariter, nunc magis, nunc minus, pro diversitate subjectorum, temperamentorum, constitutionum, roboris, aut passionum, quibus obnoxia sunt corpora, ut abundè illud ex variis observationibus constat in scorbuticis, hypochondriacis, epilepticis, arthriticis, colicis &c. Tutiora tamen longè sunt ac H da mineralia, tantamque noxam non inferunt, aut furorem exercent, quantum illa movere solent, sive in fluidis sint, sive solidis partibus; utrasque enim hæc destruere conantur, earumque substantiam & figuras immutare, & resolvere; Constant enim rigidioribus aculeis, quibus se infigunt ferrius, pungunt acutius, vellicant acrius, contrahunt validius & constringunt, humores coagulant magis, & inflāmant, imò dissecant & discindunt, atque hinc interitum partis citius efficiunt. Ut experiamur diversitatem actionum H . simplicis & lithargyrisati, infudimus cani jejuno aceti acerrimi, linguam naresque summè ferientis Zij semis, illicò post infusionem percipimus murmura, canis conabatur exspuere H tum in ore relictum, aut saporem variis motibus excutere; dimissus à nobis mox titubavit, & rejecit spumam, quæ jam ab injectione aceti in ore confluit, atque statim ab immisso H to difficulter respirare cœpit, & sonorè, latibula quærens, ubi quiescere posset; præter hæc autem nec ejulatibus aut motibus, aut conatibus vomendi nec tormina, vel convulsiones ostendit, nisi quod quinquies vel sexies spumam, seu mucum, qui ipsi semper in ore hæsit, ejecerit, donec hora tertia post infusionem sp rare desit, rejecta prius spumâ cruore parùm tinctâ. In dissecto post deprehendimus *ventriculum* naturalis & albicantis coloris absque ullo inflammationis signo, distentum autem aliquantulum & contractum; Ex aperto mucus tenacior & spumofus effluxit, alius tamen, & viscidior, ac ex ore prodiit; nullibi nisi circa orificium sinistrum seu *pylorum* superficialiter & intus solum rubuit; in reliquis ejus partibus naturalissimum vidimus colorem absque ullâ ruboris & inflammationis notâ, quæ nec in reliquis visceribus *abdominis*, aut *diaphragmate* observari potuit. Lobi a. pulmonū inferiores rutilarunt parenchymatis instar, & compacti, & in superioribus varia inflammationis stigmata apparuerunt; Potissimum ergò, quò laboravit, & ab injectione statim aceti sensit, fuit sonora & difficilis respiratio. Noluimus infringere vim aceti concessa aquæ potu, ne in observatione veri effectus turbaremur; Aliàs enim facile ejus, uti omnium acidorum mineralium intus

sumptorum violentiam obtundere aquâ fontana potuissemus, quod circumforanei & agyræ benè norunt, quando arsenicum assumunt, epotâ prius aqua fontana, ne conspiciantur, id egiss., aut etiam lacte, quo ficto imputè venenum illud deglutiunt, diluendo scil. ac dividendo salia ista, ne in poros tunicarum ventriculi se insinuare, illas rodere, pungere, vellicare aut discindere, vel corrodere, aut exulcerare possint. Insignis itaque diversitas fuit effectuum ab Hto lithargyrato, cujus quidem ℥j. solum ingessit *Brunnerus*, ac aceto hoc simplici inductorum, utut in utroque æquali tempore mors successerit, sine tamen inflammatione *ventriculi, intestinorum, vesicæ*, aut *reliquorum abdominis viscerum*, nec cruoris per inferiora reiectione, nec tanta sanguinis in corde concretionem aut coagulationem.

§. III.

Vitriola metallorum cum solutione sulphuris mixta sese præcipitant non solum, sed etiam colorem nigrum & atramentosum faciunt. Sumat quis sulphur, atque cum Sale Tartari in aqua soluto coquat, ipsi que demum addat Vitriolum ꝑtis, mox habebit liquorem nigrum, quô scribi pot. st. Idem contingit, si Vitriol. ♀ vel ♂ vel Lun. (de ☉ Vitriolo nobis non constat, cum præciosum nimis sit metallum, ut idem circa illud experiri non licuerit hætenus;) cum solutione sulphuris miscetur, idem color atramentosus emergit. Celeberrimus D. D. *Heenike*, *Illustrissimorum Dominorum COMMITUM de Hobenloe Archiater*, *Vir singularis eruditionis, & experientie tam Practicæ quàm Chymicæ* retulit Excell. ntiss. Domino PRÆSIDI, se expertum fuisse, si lix viam scoriarum reguli ℥ij misceatur cum solutione Vitrioli ꝑtis, in momento exsurgere colorem atramentosum, & pulverem secedere in fundum ejusdem coloris. Liquor arsenicalis, & solutio Vitrioli idem præstant, & insignem statim coloris mutationem faciunt. Ita sæpius citatus, nunquam autem satis mihi laudandus D. D. *Möglings* narravit, *Physicum Marbaccensem* D. D. *Manchartum*, *Virum eruditione, & experientiâ clarum*, in sua relatione ad *Deputationem Vinariam*, quam SERENISSIMUS DUX Noster instituit ad examinanda vina, inter alia etiam hæc transcripisse experimenta, solutionem viridis æris cum aceto destillato factam; Acetum itidem destill. in vesica cupreâ; solutionem Vitrioli cypr.; solutionem ꝑrii viridis *Hartmanni* ab admixtione solutionis auripigmenti cum Calce viva nigerrimum contraxisse colorem. Ratio mutationis hujus quoad Vitriolum Saturni patet ex *Lemery Cursu Chymico de atramento sympathetico*, quod conficitur ex duobus liquoribus, aceto lithargyrii, quod invisibilem Scripturam reddit, & altero, solutione scilicet auripigmenti,

gmenti, quæ priorem in momento visibilem reddit, quamprimum ipsi ad-
 movetur, etiamsi Corpus aliquod crassum interponatur, aut murus inter-
 sit, modò charta conscripta superius, & alia altero liquore madefacta infe-
 rius ponatur. Vel liber prælo includatur, cujus primæ paginæ literæ in-
 scribantur, ultimum autem folium dictæ solutionis Auripigmenti humecte-
 tur, postmodum 4. l. quinquies percutiatur liber, atque prælo fortiter com-
 primatur, spatio dimidii quadrantis horæ scriptura illa nigrescet. Invi-
 sibilem autem esse scripturam illam Hto lithargyri f. etam, idè, quod Sa-
 turni particulæ ab Hto dissolutæ, sejunctæ & distractæ admodum sint, in
 poris Hti contentæ, ab admotione solutionis auripigmenti autem expelli
 ex illis, præcipitari, reviviscere, & in plumbum reduci, adeoque nigrum
 suum colorem iterum recipere; Celerrimè autem nigrescere priorem liquo-
 rem Saturni ab atomis solutionis auripigmenti, propter summam volatili-
 tatem sulphuris arsenicalis, quod antea à salibus fixis auripigmenti ligatum
 erat, nunc autem absorptis his à cale. viv. liberatum sui que juris factum aliàs
 subtilissimum summa sua volatilitate scripturam liberam in momento, prælo
 aitem commissam aliquantùm tardius tingere, nigrumque colorem efficere;
 Percuti verò librum, quò solutio illa melius penetraret, præloque comprimi,
 ne in auras sulphur volatilissimum avolet; neglectis enim his experimen-
 tum hoc ultimum non succedere. De reliquis Vitriolis sive ꝑris, ꝑris, vel
 Cæ idem est judicium; illa enim participant, de ꝑte, qui pariter niger est,
 hujusque particulæ præcipitatæ à sulphurea alcalina solutione non possunt non
 eundem largiri colorem, qualem ipsæ continent.

§. IV.

Regula Chymica universalis est, Acidum & Alkali se præcipitare, sive
 acida pura sint cum alcali puro mixta, ut spiritus Salis. Vitriol. cum Sal. Tartar;
 sive acida pura cum alcalibus imprægnatis, uti spir. Sal. vel Vitriol. cū solutione
 sulphuris, vel auripigmenti alcalis; vel acida imprægnat. cū alcal. imprægn.
 ut Vitriol. & solut. Saturn. cum solutione sulphuris, vel auripigmenti; Id quod
 præcipitatur, aut ad fundum abit, vel sal falsum est, vel magisterium vocatur,
 varii coloris, nunc albicantis, nunc flavescentis, rubicundi, quandoq; viridis.
 Quotiescunque ergo liquidum, sive solutio sulphurea alcalina miscetur vel
 cum aceto communi; vel destillato; vel cum spir. sulph; vel Vitriol; vel Nitr.
 (quæ omnia acida non imprægnata sunt,) præcipitabitur in colorem album,
 flavum, & rubicundum; si verò cum solutione metallica misceatur, præcipi-
 tatio ista nigrum acquirit colorem.

§. V.

Spiritus vini recipit quidem intra se metallorum solutionem, sive ꝑris,

sive Saturni, & extrahit etiam ex sulphure cum sale Tartari mixto Tincturam sulphuris, uti ex Sale Tartari solo, Tincturam Tartari; Metalla tamen non solvit, teste experientia.

CAPUT III.

Deducens phenomena vinorum lithargyriatorum ex Observationibus II. Capite enumeratis.

§. I.

POSitis fundamentis, quæ experientia probavit hætenus & firmavit, facile est, omnium circa vina lithargyriata ratione symptomatum, characteris, & probæ observatorum accidentium rationes reddere, atque quod verius sit, eruere.

§. II.

Non ergo miramur, tot tantasque turbas excitari in phænomenis productas à potu hujus vini adulterati, deliria, asthma, dolores, rosiones, ardorem ventriculi, ejus exulcerationes & adjacentium viscerum, febres, tabem, hydropem, Colicam parético-epilepticam, variasq; cutis defædationes; cum ex observ. I. Saturnina per sua spicula acida rodant & constringant non solum vasa sanguiveha ventriculi, ea coarctent, motum humorum in eo retardent atque stagnare faciant; sed etiam nervos ejus vellicent, ut inde citatori fluxu sanguis feratur ad illum, qui cum ob vasa capillaria contracta, & corrugata, reflueri non potest, subsistit; hinc ardet non solum ventriculus, sed & in toto Corpore calor febrilis accenditur, punctisque nervis ventriculi vicini nervi pnevmonici contrahuntur quoque, qui lobos pulmonum, quibus inseruntur, pariter constringunt, vi observ. II. atque circulum sanguinis impediunt & inflammant plus vel minus, nunc instar parenchymatis, nunc stigmatum formâ, aerisque ingressum sufficientem impediunt, sicque asthma produciunt. Delatæ post particulæ hæ Idæ Saturninæ ad spiritus animales, qui secundum observ. 5. illos quoque recipiunt, motum eorum turbant, fibras cerebri pungunt, atque deliria maniaca efficiunt. Hærentes in ventriculo atque intestinis particulæ hæ plumbeæ agunt non solum in tunicas ejus & vasa, sanguinisq; motum ibi impediunt, ut vel abscessus generetur; vel rodatur & exulceretur, pro diversitate copię haustæ; sed fertur vis illa hostilis quoq; ad vasa lienaria, idque eò facilius, cum ingesta in sinistra potius ventriculi parte hæreant, & eò magis inclinent, ac ad dextram, eaque pariter coarctat, ut sanguis & ibi stagnare & putrescere debeat. Vellicant post intestinorum tunicas & nervos tam proprios, quàm plexus hepaticos, ut inde non solum cru-

siatus isti nascantur, sed etiam obstructis ductibus biliariis bilis in sanguinem regurgitet, totumque corpus tali colore defœdet. Transcolatus ad chylum, illum coagulat, aut tenacem reddit, ut difficulter moveatur, vel stagnet; Transvectus ad nervos, punctationibus suis illos vel constringit quasi & contorquet, vel serum circa illos coagulat, ut compressi vel contorti spirituum animalium influxum sufficientem non admittant. Transmissus ad musculos, vellicationibus suis ad varios motus illos impellat.

§. III.

Hoc autem mirum est, quod Vir tantæ eruditionis, lectionis & experientię chymicæ, qualem DN. *SEERUP* ex dissertatione sua judicamus, nescio, quo amore vel studio à lithargyrio contra veritatem, & propria sua principia fascinari se passus fuerit, ejus provinciam tanto cum fervore contra *Dn. Jægerschmidium* capere, atque tam prolixè contra tot celeberrimorum Practicorum observationes, contra tot sanas de hñinis subministratas cautelas, lithargyrium defendere, atque omnia ma'la, quæ hoc perpetravit, ad vinum acidum unicè devolvere, quo a. succèssu, videbimus, atque totam ejus apologiam in tres classes dispescemus, quarum prima vino acido omnes istas turbas adscribit. Secunda Observationibus contra lithargyrium adductis respondet; Tertia verò miraculosos effectus ab usu hñinorum tam externo, quàm interno productos recenset. Mirari a. satis non possum, quî lithargyrium ab omni labe & funestis suis operationibus liberare voluerit, cùm tamen Virum non latuerit observatio *Brunneri*, qui cani aceti lithargyr. ʒj. injecit, à quo atrociora ferè, ac ab ipso arsenico passus fuit symptomata, quam tamen historiam reticuit, cùm aceto tantam vim adscribere non potuerit. Novit pariter observationem *Fernelii*, ex quibus & aliis ab ipso allegatis talia scribere vel judicare abhorruisset. Non negamus ab austero vino lædi ventriculum & coctiones, coagulari humores, constipari alvum, excitari convulsiones, nasci Colicam, non tamen tantâ cum vehementiâ, pertinciâ, tantisque cum symptomatibus & malignitate, ac à hñinis. Quis n. unquam observavit à potu vini immaturi acidi tantas inflammationes, excoriationes, exulcerationes & erosiones, & tam subitaneas, quales ab Hto lithargyrii vinis immixto inductæ fuerunt? Constat, viciniam nostram, ubi aliàs montes lachrymantur Htum, & istiusmodi vina immatura & acida per plures annos, imò lustra ab incolis & militibus largiter hausta fuerunt, ab omnibus tamen hisce symptomatibus penitus liberam fuisse, cùm à fūco quoque libera fuerit; Imò in ipsâ hac nostrâ Civitate, quæ antè duo lustra truculentiâ hac tantum non oppressa fuit, postquam fraudem hanc plurimi tam victores, quàm caupones tectè

quidem exercuerunt, omnes isti, qui à cauponibus vinum vel non emerunt, vel in eorum adibus non biberunt, à torminibus & cruciatibus hisce immunes evaserunt, licet eorum domestici per al quot annos austerum & acidissimum hauserint vinum, ut acidius gustari vel dari nequeant; aliis interea, quos dulcedo inescavit, miserrimè patientibus, aut enervatis elumbibus redditis, pendulis artubus & resolutis incedentibus, aut neci traditis; plurimi enim miserrimè perierunt. Quà E. vini acor accusetur, tanquam unica causa horum malorum, & lithargyrium sive saccharum hui excusetur non video, cum tamen ipse nimium ejus usum non absque ratione periculosum dixerit. Eadem res est, acido vino unicè adscribere velle omnia hæc mala, ac si quis scorbuticum propinato vel arsenico vel ☿to corrosivo enecasset, causam autem mortis salibus acris scorbuticis unicè attribueret, è contra arsenicum vel ☿t. corrosivum ad mortem inferendam planè nihil egisse, diceret. Acetum illud acerrimum, cutem etiam rodens, quod juxta observat. 2. in triplo majori quantitate infusum fuit cani, ac ☿t. lithargyrii, triplo mitiora & pauciora symptomata induxit. Insignes quidem turbas, dolores, tormina motusque convulsivos movent aliàs vermes, quos in vinis immaturis & acidis accusat; cum autem ipse cum *Panarolo* plures in generosioribus & exinde pirato ☿t. asserat, non video, quo jure illis funesti hi effectus attribuantur, cum nemo hactenus generosius vinum accusaverit. Cumque igitur Clatissimus Vir rejiciat argumentationem à morbis metallurgorum ab effluviis & exhalationibus metallorum, ac variorum eorum præparatorum, plumbi scil. usti pulvisculis & atomis, aut à nimio sacchari Saturni usu natis, ad ipsius vel plumbi vel aceti lithargyrii naturam acidam & venenatam, non videmus rationem vel dubitationis vel negationis, cum ipse norit ex *Tachenio* aliisque, ex plumbo cum acidis mineralibus variis commixtis fieri lithargyrium, & ex hoc, vel cerussa, vel minio mediante ☿to parari saccharum Saturni, adeoque in his omnibus acidum esse concentratum; Colligere potuit ex *Fernelio* & *Palmario*, ex usu plumbi, ejusq; pulvere copiosum in ventriculo fuisse eductum Vitriol. Saturni. Novit quoque tam à crudo, quàm ejus præparatis sive externè sive internè adhibitis nata fuisse eadem circa ventriculum & pulmones symptomata, rosiones, inflammationes, tormina, tremores & paralysisin. A quocunque igitur metallo iidem semper & specifici effectus profluent, & symptomata, quæ ab ejus effluviis, exhalationibus, præparatis, atomis & pulvisculis producta fuerunt, illi vel unius ejusdemque erunt naturæ, vel ex ejusdem principiis & particulis fluxerunt & egerunt. A plumbo autem crudo eadem notata fuerunt symptomata, ac ab ejus præparatis, E. iisdem agunt

agunt principiis & particulis, & erunt ejusdem natura & essentiae. Ab asper-
sione n. lithargyrii juxta observ. . . productum fuit asthma, conatus vomendi
cum torminibus &c. à pulvere Saturni in jus ulis loco sacchari sumpti gravis-
sima nata fuerunt symptomata, qualia in fodinis experiuntur fossores; qualia
passi sunt, qui vinum lithargyriatum biberunt; cur E. non liceat argumentari
à symptomatibus Metallicorum & figulorum, à fumis, effluviis, atomis &
pulveribus Saturni inspiratis natis, & ab usu sacchari Saturni largiori produ-
ctis ad symptomata à vini lithargyrio adulterati potu nata, & asserere, illa
non ab ejus acore, sed lithargyrii particulis acidis corrosivis orta fuisse. Quod
attinet 3. miraculosos ejus effectus in morbis periculosis praeitos, ut
rem brevibus expediamus, ipsi objicimus, quod *Daniel Ludovici* in phar-
maciâ suâ Dissertat. I. Cap. de roborantibus temperatis & infrigidantibus ha-
bet; Quoad internos Saturninorum usus, vim Antistremam quidem hic ad-
modum claudicare, attemperantem verò vix decimo frventiorum hypo-
chondriacorum, aut tabidorum quadrare, phthyis autem perparum con-
ferre, saepe dejectos horum omnium ventriculos u agis pervertere, possum de-
prehendimus; & de Tinctura antiphthysica paulo inferius, illam ut plurimum
insidam esse; Spiritus ejus ardens, quem adeò extollit, nil nisi Spiritus Hui
est, teste *Charras Chym.* pag 340. Et sic de reliquis. Omnes hinc practici,
quotquot sunt, parci admodum sunt in praescribendis eorum preparationi-
bus; nec, nisi ultima urgeat necessitas, in nimio astu morborum ad tempe-
randum illum progrediuntur, in minimâ tamen desistunt. Et licet singularis ali-
quoties effectus ex interno eorum usu observatus fuerit, de quo tamen adeò
certi non sumus, utut illum negare nolimus, non desinit tamen esse venenum.
Arsenicum enim licet nonnullorum Medicorum & Chirurgorum unicum
quarantarum asylum sit, & felicissimè illas fuget; licet in cancro exulcerato
praestantius non sit preparatis arsenicalibus, interim arsenicum manet vene-
num, & Mercurius corrosivus omnium mineralium maximum venenum est,
etiamsi Chirurghi illum imbeciant aliis Syriis &c. in cura luis &c. & externe quoq;
feliciter adhibeant. Cecinit E. triumphum ante victoriam Dnus SEERUP, nec
curru videmus, uti loquitur, triumphali eminere Triumphatorem suum Li-
thargyrium. Manet enim venenum, & ex eo parantur famosissima illa
venena lenta. Nec truculentiam hujus venenosi potus lithargyr. minuit,
non omnes eo laesos fuisse, quod in illis solum observatum fuit, quibus
vel aquae potus ordinarius fuit, hancque mox, postquam largius illud
hauserunt, superbiberunt, durioribus laboribus assueti & simplici dieta
usi fuerunt; vel uti Excell. D. D. Camerarius in citatâ Disput. loquitur,
quo delicatior est Tinctura, quo dosis ejus minor, usus parcius & infre-
quentior.

§. IV.

Mutationes colorum vinorum lithargyr. ab infusis dictis liquoribus factæ dependent à liquoribus præcipitantibus, & solutis vino additis, norumque coloribus; & quidem niger & atramentosus ab instillatione liquoris auripigm., sulphure ejus alcalino & Vitriol. Saturni. juxta Observ. 3. Rubicundus, flavus, obscurus, vel albicans, uti in lacte virginis à dictis istis alcalinis & acidis. Nota E. characteristicæ præsentis lithargyrii in vini est, quod ab affusione dictorum liquorum congreredientium alcalinorum & acidorum turbentur vi Observ. 4. & vel nigrescant, vel albescant, aut obscure rubescant, undecunque illud accesserit; sive cum \ddagger lithargyr., sive ab ipso vini in vase stanneo detenti acido abrasæ, quod facile fit, si stanno multum plumbi inhæret, vinumque austerum admodum est; quo acidius enim vinum est, eo citius abradit particulas Saturninas; Eo tardius, quo tenuius; Vappidum enim vel nimis tenue, quod spicula sua dimisit, difficulter vel planè non perætrat. Emissa E. è dolio certa vini quantitas in vase stanneo asservata ab instillatione solutionis auripigm. nigrescit, salvo lithargyriique experte integro dolio.

§. V.

Non a. succedit experimentum, nec mutatur color vinorum lithargyr. leviter tinctorum præprimis, nisi solutio auripigmenti recens sit; particulæ enim ejus sulphuræ, quæ volatiles ad modum sunt, avolant potissimæ. Recens a. levissimam etiam Tincturam prodit, (quod neque Spir. Vitrioli. præstat, neque Spir. aluminis, aut ejus solutio, vel etiam Salis Tartari (tanquam tenuia nimis, non concentrata) propter summam sulphuris sui volatilitatem, quod in momento omnes vini atq; Tincturæ partes penetrat juxta Observ. 3. ea turbat & præcipitat. Præcipitat quoq; dicta hæc solutio auripigm. in sufficiente quantitate vina immatura & acida, austera; Alkali enim Calc. viv. & acidum vini agunt in se invicem, atque se præcipitant, non autem in sedimentum & colorem nigrum, quia nullæ particulæ metallicæ ipsi insunt.

§. VI.

Feces vini sensibus externis atque igne examinandæ sunt, quia particulæ Saturninæ ab eo secedunt ad fundum, & hinc vel gryseæ sunt, colorem lithargyr. naturalem referentes; vel splendentes & specularis nitoris, ob admixtam & à tæniis sulphuratis accedentem, aut sine hisce additam Marcasitam, quæ Saturninæ naturæ est.

§. VII.

Color Spiritus vini à lithargyrifato destillati atramentosus ab affusione liquoris auripigm. contractus non provenit à particulis Saturninis in vino existentibus, atque cum Spiritu progredientibus, quod non fit, etiamsi centies destilletur teste Zwelfero in animadv. in pharm. August. de lact. virg sed oritur à sordibus vitriolicis à rostro vel supremo vesicæ cupreæ secessis, ipsique Spiritui in transitu accedentibus, quas juxta observ. 5. recipit, non autem solvit, Metallicæ autem partes cum spiritibus tam facile absque additione nunquam prodeunt.